

四分律藏卷第十五

睦五

甘饍音金釜音杓反時約反瓊反江反鈹徒吊下又
匿力籬米毛反毳反反下叛音

四分律藏卷第十六

睦六

姚秦三藏佛說耶舍比丘世佛念譯

四分律藏初分

尔時佛在舍衛國祇樹給孤獨園尔時六羣
比丘聞世尊制戒聽比丘有時因緣二宿三
宿軍中住彼在軍中住觀軍陣聞戰觀諸力
人象馬時六羣比丘中有一人以看軍陣故
為箭所射時同伴比丘即以衣裹之與還諸
居士見已問比丘言此人何所患耶報言無
患向往觀軍陣聞為箭所射時諸居士皆共
譏嫌言我等為恩受故與此軍陣汝等出家
人往軍中何所作耶諸比丘聞已其中有少

揚采

欲知足行頭陀樂學戒知慙愧者嫌責六羣
比丘言世尊制戒聽比丘有時因緣至軍中
應二宿三宿住彼往軍中二宿三宿住已云
何乃往觀軍陣聞戰而為箭所射諸比丘往
世尊所頭面禮足在一面坐以此因緣具白
世尊世尊尔時以此因緣集比丘僧呵責六
羣比丘言汝所為非非威儀非沙門法非淨
行非隨順行所不應為云何六羣比丘世尊
聽比丘有時因緣往軍中二宿三宿住而汝
等往軍中二宿三宿住乃觀軍陣聞戰為箭
所射耶尔時世尊以無數方便呵責六羣比
丘已告諸比丘此癡人多種有漏處最初犯
戒自今已去與比丘結戒集十句義乃至正
法久住欲說戒者當如是說若比丘二宿三
宿軍中住或時觀軍陣聞戰若觀遊軍象馬
力勢者彼逸提比丘義如上闕者若戲聞若
真實聞軍者一種軍乃至四種軍或有王軍
賊軍居士軍力勢者第一象力第一馬力第

一車力第一步力陣者四方陣或圓陣或半月形陣或張甄陣或函相陣象王馬王人王波比丘往觀軍陣鬪戰象馬勢力者從道至道從道至非道從非道至道從高至下從下至高往而見者彼逸提往而不見者突吉羅方便莊嚴欲往而不往者一切突吉羅若比

丘先在道行軍陣後至應避不避者突吉羅比丘尼波逸提式又摩那沙弥沙弥尼突吉羅是謂為犯不犯者有時因緣若有所白若請喚若為力勢所持去或命難或梵行難若先前行軍陣後至下道避若水陸道斷盜賊惡獸水大長或彼強力所執繫或命難或淨

唯示

二

行難不避道無犯無犯者最初未制戒癡狂心亂痛惱所纏竟五十

尔時佛在支陀國與大比丘眾千二百五十人俱時尊者娑伽陀為佛作供養人尔時娑伽陀下道詣一辯髮梵志住處語梵志言汝此任處第一房我今欲寄止一宿能相容止

不梵志答言我不惜可宿耳但此中有毒龍恐相傷害比丘言但見聽或不害我辯髮梵志答言此室廣大隨意可住尔時長者娑伽陀即入其室自敷草蓐結加趺坐繫念在前時彼毒龍見娑伽陀結加趺坐即放火烟娑伽陀亦放火烟毒龍恚之復放身火娑伽陀

亦放身火時彼室然如似大火娑伽陀自念言我今寧可滅此龍火令不傷龍身耶於是即滅龍火使不傷害時彼毒龍火光無色娑伽陀火光轉盛有種種色青黃赤白綠碧頗黎色時娑伽陀其夜降此毒龍盛著鉢中明日清旦持往詣辯髮梵志所語言所云毒龍

者我已降之置在鉢中故以相示尔時拘睺弥主在辯髮梵志家宿彼作如是念未曾有世尊弟子有如此大神力何況如來即白娑伽陀言若世尊來至拘睺弥時願見告勅欲一禮觀娑伽陀報言大佳尔時世尊從支陀國人間遊行至拘睺弥國時彼國主聞世尊

唯示

三

將千二百五十弟子至此國即乘車往迎世尊透見世尊顏貌端正諸根寂定其心息滅得上調伏如調龍象猶若澄淵見已篤信心生以恭敬心即下車至世尊所頭面禮足在一面住尔時世尊無數方便說法勸化令得歡喜時拘睺弥主聞佛無數方便說法勸化心大歡喜已顧看眾僧不見娑伽陀即問諸比丘言娑伽陀今為所在耶諸比丘報言在後正尔當至尔時娑伽陀與六羣比丘相隨在後至時拘睺弥主見娑伽陀來即往迎頭面禮足在一面立時娑伽陀復為種種方便說法勸化令心歡喜時拘睺弥主聞娑伽陀種種方便說法勸化得歡喜已白言何所須欲可說之娑伽陀報言止止此即為供養我已彼復白言願說何所須欲六羣比丘語彼言汝知不比丘衣鉢尼師壇鉞筒此是易得物耳更有於比丘難得者與之彼即問言於比丘何者難得六羣比丘報言欲須黑酒彼

報言欲須者明日可來取隨意多少時彼禮娑伽陀足遶已而去明日清旦娑伽陀著衣持鉢詣拘睺弥主家就座而坐時彼拘睺弥主出種種甘饌飲食兼與黑酒極令飽滿時娑伽陀食飲飽足已從座起去於中路為酒所醉倒地而吐眾鳥亂鳴尔時世尊知而故問阿難眾鳥何故鳴喚阿難白佛言大德此娑伽陀受拘睺弥主請食種種飲食兼飲黑酒醉卧道邊大吐故使眾鳥亂鳴佛告阿難此娑伽陀比丘癡人如今不能降伏小龍況能降伏大龍佛語阿難凡飲酒者有十過失何等十一者顏色惡二者少力三者眼視不明四者現瞋恚相五者壞田業資生法六者增致疾病七者益鬪訟八者無名稱惡名流布九者智慧減少十者身壞命終墮三惡道阿難是謂飲酒者有十過失也佛告阿難自今已去以我為師者乃至不得以草木頭內著酒中而入口尔時世尊以無數方便呵責

睡六

四

娑伽陀比丘已告諸比丘此娑伽陀癡人多
 種有漏處最初犯戒自今已去與比丘結戒
 集十句義乃至正法久住欲說戒者當如是
 說若比丘飲酒者彼逸提比丘義如上酒者
 木酒粳米酒餘米酒大麥酒若有餘酒法作
 酒者是木酒者梨汁酒閻浮菓酒甘蔗酒舍
 樓伽菓酒麩汁酒蒲桃酒梨汁酒者若以蜜
 石蜜雜作乃至蒲桃酒亦如是雜酒者酒色
 酒香酒味不應飲或有酒非酒色酒香酒味
 不應飲或有酒非酒色非酒香酒味不應飲
 或有酒非酒色非酒香非酒味不應飲非酒
 酒色酒香酒味應飲非酒色酒香酒味
 應飲非酒非酒色非酒香酒味應飲非酒非
 酒色非酒香非酒味應飲彼比丘若酒酒煮
 酒和合若食若飲者波逸提若飲甜味酒者
 突吉羅若飲酢味酒者突吉羅若食麴若酒
 糟突吉羅酒作酒想波逸提酒疑波逸提酒
 無酒想波逸提無酒有酒想突吉羅無酒疑

突吉羅比丘尼波逸提式又摩那沙弥沙弥
 尼突吉羅是謂為犯不犯者若有如是如是
 病餘藥治不差以酒為藥若以酒塗瘡一切
 無犯無犯者最初未制戒癡狂心亂痛惱所

纏一五十

尔時佛在舍衛國祇樹給孤獨園尔時十七

卷六

五

羣比丘在阿耨羅婆提河水中嬉戲從此岸
 至彼岸或順流或逆流或此沒彼出或以手
 畫水或水相澆濟尔時波斯匿王與末利夫
 人在樓觀上遙見十七羣比丘在此河水中
 嬉戲從此岸至彼岸或順流逆流或此沒彼
 出或以手畫水或水相澆濟見已即語末利

夫人言看汝所事者時末利夫人報王言此
 諸比丘是年少始出家者在佛法未人或是
 長老癡無所知時末利夫人即疾下樓語那
 陵迦婆羅門言汝持我名往至祇恒中問訊
 世尊遊步康強教化有勞耶以此一裹石蜜
 奉上世尊以此因緣具白世尊時彼婆羅門

即受夫人教往詣世尊所問訊已在一面坐
白世尊言未利夫人故遣我來問訊世尊遊
步康強起居輕利教化有勞耶今奉此一裹
石蜜以向因緣具白世尊世尊令時以此因
緣集比丘僧以無數方便呵責十七羣比丘
言汝所爲非非威儀非沙門法非淨行非隨

順行所不應爲云何十七羣比丘在阿耨婆
提河水中嬉戲從此岸至彼岸或順流逆流
或此沒彼出或以手畫水或水相澆瀆令時
世尊呵責十七羣比丘已告諸比丘此癡人
多種有漏處最初犯戒自今已去與比丘結
戒集十句義乃至正法久住欲說戒者當如

是說若比丘水中嬉戲者波逸提比丘義如
上水中戲者放意自恣從此岸至彼岸或順
流或逆流或此沒彼出或以手畫水或水相
澆瀆乃至以鉢盛水戲弄一切波逸提除水
已若酪漿若清酪漿若苦酒若麦汁器中弄
戲者突吉羅比丘尼波逸提式又摩那沙弥

沙弥尼突吉羅是謂爲犯不犯者若道路行
澆水或從此岸至彼岸或水中牽材木若竹
若薄順流上下若取石取沙若失物沉入水
底此沒彼出或欲學知浮法而浮擢臂畫水
瀆水一切無犯無犯者最初未制戒癡狂心
亂痛惱所纏五十

卷六

六

令時佛在舍衛國祇樹給孤獨園令時六羣
比丘中有一人擊擡十七羣比丘中一人乃
令命終諸比丘聞其中少欲知足行頭陀樂
學戒知慙愧者嫌責六羣比丘言云何擊擡
十七羣比丘乃令命終耶諸比丘往世尊所
頭面禮足在一面坐以此因緣具白世尊世
尊令時以此因緣集比丘僧呵責六羣比丘
言汝所爲非非威儀非沙門法非淨行非隨
順行所不應爲云何六羣比丘汝等擊擡十
七羣比丘乃令命終世尊以無數方便呵責
已告諸比丘此癡人多種有漏處最初犯戒
自今已去與比丘結戒集十句義乃至正法

久住欲說戒者當如是說若比丘以指相擊
 握者波逸提比丘義如上指者手有十脚有
 十若比丘以手脚指相擊握者一切波逸提
 除手脚指已若杖若戶闌若拂柄及一切餘
 物相擊握者一切突吉羅比丘尼波逸提式
 又摩那沙弥沙弥尼突吉羅是謂為犯不犯

者若不故擊握若眠觸令覺若出入行來若
 掃地誤觸誤以杖頭觸無犯無犯者最初未
 制戒癡狂心亂痛惱所纏五十

尔時佛在拘睺毗國瞿師羅園中尔時闍陀
 欲犯戒諸比丘諫言汝莫作此意不應尔時
 闍陀不從諸比丘諫即便犯諸比丘聞其中

卷六

七

有少欲知足行頭陀樂學戒知慙愧者嫌責
 闍陀言云何闍陀欲犯戒諸比丘諫而不從
 語便犯耶時諸比丘往世尊所頭面禮足在
 一面坐以此因緣具白世尊世尊尔時以此
 因緣集比丘僧呵責闍陀言汝所為非非威
 儀非沙門法非淨行非隨順行所不應為云

何闍陀諸比丘諫而不從語便犯戒耶以無
 數方便呵責闍陀已告諸比丘此癡人多種
 有偏處最初犯戒自今已去與比丘結戒集
 十句義乃至正法久住欲說戒者當如是說
 若比丘不受諫者波逸提比丘義如上不受
 諫者若他遮言莫作是不應尔然故作犯根

本不從語突吉羅若自知我所作非然故作
 犯根本不從語者波逸提比丘尼波逸提式
 又摩那沙弥沙弥尼突吉羅是謂為犯不犯
 者若無智人來諫報言汝可問汝師和上學
 問誦經知諫法然後可諫若諫者當用若戲
 笑語若獨處語若在夢中語若欲說此乃錯

說彼一切無犯無犯者最初未制戒癡狂心
 亂痛惱所纏五十

四

尔時佛在波羅梨毗國尔時尊者那迦波羅
 比丘常侍世尊左右供給所須佛語那迦波
 羅汝取雨衣來我欲至經行處經行即受教
 取雨衣授與世尊世尊尔時受雨衣已至經

行處經行。尔時釋提桓因化作金經行堂。已合掌在世尊前。白言。我世尊經行。我善逝經行。諸佛常法。若經行時。供養人在經行道頭。立尔時。那迦波羅比丘。在經行道頭。立知前夜已過。白世尊言。初夜已過。可還入房。尔時世尊默然。時那迦波羅知中夜後夜過。明相

已出。眾鳥覺時。天欲明了。白世尊言。初中後夜已過。明相出。眾鳥覺時。天欲明了。願世尊還入房。尔時世尊默然。時那迦波羅心自念言。我今寧可恐怖佛。使令入房。尔時那迦波羅即反被拘執。來至佛所作。非人恐怖聲沙門。我是鬼。世尊報言。常知此愚人心。亦是惡

睡六

八

時釋提桓因。白佛言。眾中亦有如此人。耶佛告釋提桓因。言。眾中有如此人。語釋提桓因言。此人於此生中。當得清淨之法。尔時釋提桓因。以偈讚佛。

聖獨步不放逸
聞師子吼不驚

若毀訾不移動
如風過草無礙

引導一切諸眾
決定一切人天

尔時世尊以偈報言
天帝謂我怖
故說此言耶

尔時釋提桓因。即禮佛足。隱形而去。尔時世尊夜過已。清旦。集比丘僧。以此因緣。具向諸比丘說之。此那迦波羅癡人。乃欲恐怖我。尔時世尊以無數方便。呵責六羣比丘。已告諸比丘。此癡人多種有漏。最初犯戒。自今已去。與比丘結戒。集十句義。乃至正法。久住欲說戒者。當如是說。若比丘恐怖他比丘者。波逸提。比丘義如上。恐怖若以色聲香味觸法。恐怖人云。何色恐怖。或作象形。馬形。或作鬼

形。鳥獸形。以如是形色恐怖人。令彼見若恐怖。若不恐怖。波逸提。以如是形色恐怖人前。人不見者。突吉羅。云。何聲恐怖人。或具聲。鼓聲。波羅聲。象聲。馬聲。駝聲。啼聲。以如是聲恐怖。令彼人聞。恐怖不恐怖。波逸提。若以如是聲恐怖人。彼不聞。突吉羅。云。何香恐怖人。若

睡六

九

根香蔞羅樹香樹膠香皮香膚香葉香華香
 薰香若美香若臭氣若以此諸香恐怖人彼
 人嗅香若怖以不怖波逸提若以如是香恐
 怖人前人不嗅者突吉羅云何味恐怖人若
 以味與人若醋若甜若苦若澀若鹹若袈裟
 味以如此味恐怖人令彼人嘗味怖已不怖
 波逸提若作如是味恐怖人彼不嘗者突吉
 羅云何觸恐怖人若以熱若冷若輕若重若
 細若麤若滑若澀若軟若堅以如是觸恐怖
 人令彼人觸怖已不怖波逸提以如是觸恐
 怖人彼人不觸者突吉羅云何以法恐怖人
 語前人言我見如是相若夢汝當死若失衣
 鉢若罷道汝師和上阿闍黎亦當死失衣鉢
 若罷道若父母得重病若命終以如是法恐
 怖人令彼知怖已不怖波逸提若以如是法
 恐怖人彼人不知者突吉羅若比丘以色聲
 香味觸法恐怖人若說而了了者波逸提說
 而不了了者突吉羅比丘尼波逸提式叉摩

那沙弥沙弥尼突吉羅是謂為犯不犯者或
 闇地坐無燈火或大小便處遙見謂言是象
 若賊若惡獸便恐怖若至闇室中無燈火處
 大小便處聞行聲若觸草木聲若警效聲而
 怖畏若以色示人不作恐怖意若以聲香味
 觸與人不作恐怖意若實有是事若見如是
 相或夢中見若當死或罷道若失衣鉢若和
 上師當死失衣鉢罷道若父母重病當死便
 作如是語語彼言我見汝如是諸變相事若
 戲語若疾疾語若獨語夢中語欲說此乃錯
 說彼一切無犯無犯者最初未制戒癡狂心
 亂痛惱所纏五十
五竟

尔時佛在羅閱祇迦蘭陀竹園中有池水尔
 時摩竭國瓶沙王聽諸比丘常在中洗浴時
 六羣比丘於後夜明相未出時入池水洗浴
 尔時瓶沙王於後夜明相未出與婁女俱詣
 池欲洗浴聞六羣比丘在池洗浴聲即問左
 右言此中誰洗浴答言是比丘王言莫大作

陸六

十

聲勿使諸比丘不及洗浴而去彼六羣比丘以種種細末藥更相洗浴乃至明相出時瓶沙王竟不得洗浴而去時諸大臣皆共嫌恚自相謂言此沙門釋子不知慙愧外自稱言我修正法如是有何正法於後夜中相將入池水以種種末藥更相洗浴乃至明相出使

王竟不得洗浴而去時諸比丘聞其中有少欲知足行頭陀樂學戒知慙愧者嫌責六羣比丘言云何於後夜中入池水以種種細末藥更相洗浴乃至明相出使王不得洗浴諸比丘往世尊所頭面禮足在一面坐以此因緣具白世尊世尊亦時以此因緣集比丘僧呵責六羣比丘言汝所為非非威儀非沙門法非淨行非隨順行所不應為云何汝等於後夜中入池水以種種細末藥更相洗浴乃至明相出使王不得洗浴而去耶亦時世尊以無數方便呵責六羣比丘已告諸比丘此癡人多種有漏處最初犯戒自今已去與比

丘結戒集十句義乃至正法久住欲說戒者當如是說若比丘半月應洗浴若過波逸提如是世尊與比丘結戒亦時諸比丘盛熱時身體皴痺出汗垢臭穢畏慎不敢洗浴恐犯過半月洗浴諸比丘白佛佛言聽諸比丘熱時數數洗浴自今已去應如是說戒若比丘

睡六

十一

半月應洗浴除餘時若過波逸提餘時者熱時如是世尊與比丘結戒其中諸病比丘身體皴痺出汗垢臭穢或大小便吐汗不淨畏慎不敢洗浴恐犯過半月洗浴諸比丘白佛佛言聽諸病比丘數數洗浴自今已去當如是說戒若比丘半月應洗浴不得過除餘時波逸提餘時者熱時病時如是世尊為諸比丘結戒諸比丘作時身體汗垢臭穢諸比丘有畏慎心不敢洗浴白佛佛言聽諸比丘作時數數洗浴自今已去當如是說戒若比丘半月洗浴不得過除餘時波逸提餘時者熱時病時作時如是世尊與比丘結戒時諸比

丘風雨中行身體炮痲汗出塵全汗穢不淨
 有畏慎不敢洗浴白佛佛言聽諸比丘風雨
 時數數洗浴自今已去當如是說戒若比丘
 半月洗浴不得過除餘時波逸提餘時者熱
 時病時作時風雨時如是世尊與比丘結戒
 時諸比丘道行身熱炮痲出汗垢塵土汗穢
 不淨畏慎不敢洗浴白佛佛言聽諸比丘道
 行時數數洗浴自今已去當如是說戒若比
 丘半月洗浴無病比丘應受不得過除餘時
 波逸提餘時者熱時病時作時風雨時道行
 時此是時比丘義如上熱時者春四十五日
 夏初一月是熱時病者下至身體臭穢是謂
 病時作時者下至掃屋前地風雨時者下至
 一旋風一滴雨著身道行者下至半由旬若
 來若往者是也若比丘半月洗浴除餘時若
 過一遍澆身波逸提若水澆半身亦波逸提
 若方便莊嚴欲洗浴不去一切突吉羅比丘
 尼波逸提式又摩那沙弥沙弥尼突吉羅是

謂為犯不犯者半月洗浴熱時病時作時風
 時雨時道行時數數洗浴若為力勢所持強
 使洗浴無犯無犯者最初未制戒癡狂心亂
 痛惱所纏五十六
 今時世尊在曠野城時六羣比丘自相謂言
 我等在上座前不得隨意言語即出房外在
 露地拾諸柴草及大樹株然火向炙時空樹
 株中有一毒蛇得火氣熱逼從樹孔中出諸
 比丘見已皆驚言毒蛇毒蛇即取所燒薪散
 擲東西迸火乃燒佛講堂比丘聞之其中有
 少欲知足行頭陀樂學戒知慙愧者嫌責六
 羣比丘言汝等云何自相謂言我等在上座
 前不得隨意言語出房外拾諸草木大樹株
 在露地然火向空樹孔中有毒蛇出驚怖取
 所燒薪散擲東西使迸火乃燒佛講堂諸比
 丘往世尊所頭面禮足在一面坐以此因緣
 具白世尊世尊今時以此因緣集比丘僧呵
 責六羣比丘言汝所為非非威儀非沙門法

非淨行非隨順行所不應為云何六羣比丘自相謂言我等在上座前不得隨意言語出房外拾諸草木大樹株在露地然火向有毒蛇出驚怖取所燒薪散擲東西使迸火燒佛講堂耶尔時世尊以無數方便呵責六羣比丘已告諸比丘此癡人多種有漏處最初犯

戒自今已去與比丘結戒集十句義乃至正法久住欲說戒者當如是說若比丘為自灸故露地然火若教人然波逸提如是世尊與比丘結戒尔時病比丘畏慎不自然火不教人然比丘白佛佛言聽病比丘露地然火及教人然自今已去當如是說戒若比丘無病

陸六

十三

為自灸故在露地然火教人然者波逸提如是世尊與比丘結戒尔時諸比丘欲為病比丘煮粥若羹飯若在温室若在廚屋若在浴室中若熏鉢若染衣若然燈若燒香諸比丘皆畏慎不敢作佛言如此事聽作自今已去當如是說戒若比丘無病自為灸故在露地

然火若教人然除時因緣波逸提比丘義如上病者若須火灸身若比丘無病為自灸故在露地然火若然草木枝葉紵麻芻摩若牛屎糞糞掃藪一切然者波逸提若以火置草木枝葉紵麻牛屎糞糞掃藪中然者一切波逸提若被燒半焦者擲著火中者突吉羅若

然炭突吉羅若不語前人言汝看是知是者突吉羅比丘尼波逸提式又摩那沙弥沙弥尼突吉羅是謂為犯不犯者語前人言看是知是若病人自然教人然有時因緣看病人為病人煮糜粥羹飯若在廚屋中若在温室中若在浴室中若熏鉢若煮染衣汁然燈燒

香一切無犯無犯者最初未制戒癡狂心亂痛惱所纏五十七竟

尔時佛在舍衛國祇樹給孤獨園時有居士請眾僧明日食即於其夜辦具種種肥美飲食明日清旦往白時至尔時十七羣比丘持衣鉢坐具針筒著一面經行彷彿望食時到

時六羣比丘伺彼經行背向時取其衣鉢坐具針筒藏舉彼聞白時到即看言我等衣鉢坐具針筒在此誰持去餘比丘問言汝等何處來答言我等在此持衣鉢坐具針筒置一面經行望食時到六羣比丘在前調弄餘比丘察之見六羣比丘調弄必是其人取衣鉢

藏之諸比丘聞其中有少欲知足行頭陀樂學戒知慙愧者嫌責六羣比丘言云何汝等取十七羣比丘衣鉢坐具針筒藏之耶諸比丘往世尊所頭面禮足在一面坐以此因緣具白世尊世尊亦時以此因緣集比丘僧呵責六羣比丘言汝所為非非威儀非沙門法

睦六

十四

非淨行非隨順行所不應為云何六羣比丘伺十七羣比丘經行背向時取他衣鉢坐具針筒藏耶亦時世尊以無數方便呵責六羣比丘已告諸比丘此癡人多種有漏處最初犯戒自今已去與比丘結戒集十句義乃至正法久任欲說戒者當如是說若比丘藏比

丘衣鉢坐具針筒若自藏教人藏下至戲笑者波逸提比丘義如上彼比丘藏他比丘衣鉢坐具針筒若教人藏下至戲笑者波逸提比丘尼波逸提式又摩那沙弥沙弥尼突吉羅是謂為犯不犯者若實知彼人物相體悉而取舉若在露地為風雨所飄漬取舉若物

主為性慢藏所有衣鉢坐具針筒放散狼籍為欲戒勅彼故而取藏之若借彼衣著而被不收攝恐失便取舉之或以此衣鉢諸物故有命難梵行難取藏之一切無犯無犯者最初未制戒癡狂心亂痛惱所纏五十
八竟亦時佛在舍衛國祇樹給孤獨園亦時六羣

比丘真實施親厚比丘衣已後不語主還取著諸比丘聞其中有少欲知足行頭陀樂學戒知慙愧者嫌責六羣比丘言云何汝等先持衣施親厚比丘已後不語主還取著耶諸比丘往世尊所頭面禮足已在一面坐以此因緣具白世尊世尊亦時以此因緣集比丘

睦六

十五

僧呵責六羣比丘汝所為非非威儀非沙門法非淨行非隨順行所不應為云何六羣比丘先持衣施親厚比丘已後不語主還自取著耶尔時世尊以無數方便呵責六羣比丘已告諸比丘此癡人多種有漏處最初犯戒自今已去與比丘結戒集十句義乃至正法

久住欲說戒者當如是說若比丘與比丘比丘尼式叉摩那沙弥沙弥尼衣後不語主還取著波逸提比丘義如上衣者有十種如上說與衣者淨施衣也淨施衣有二種一者真實淨施二者展轉淨施真實淨施者言此是我長衣未作淨今為淨故與長老作真實淨展轉淨施者此是我長衣未作淨今為淨故與長老彼應如是語長老聽長老有如是長衣未作淨今與我為淨故我便受受已當問言欲與誰耶應報言與某甲彼應作如是語長老有是長衣未作淨今與我為淨故我便受受已與某甲比丘此衣是某甲所有汝為

某甲故守護持隨意用是中真實淨施者應問主然後取著展轉淨施者語以不語隨意取著若比丘真實施衣不語主而取著者波逸提比丘尼波逸提式叉摩那沙弥沙弥尼突吉羅是謂為犯不犯者若真實淨施語主取著展轉淨施語以不語取著無犯無犯者

最初未制戒癡狂心亂痛惱所纏

五十九竟

尔時世尊在舍衛國祇樹給孤獨園時六羣比丘著白色衣行時諸居士見皆共譏嫌此沙門釋子不知慙愧受取無厭外自稱言我修正法如今觀之有何正法云何著新白色衣行如似王王大臣諸比丘聞已其中有少欲知足行頭陀樂學戒知慙愧者嫌責六羣比丘言云何汝等著白色新衣行諸比丘往世尊所頭面禮足在一面坐以此因緣具白世尊世尊尔時以此因緣集比丘僧呵責六羣比丘言汝所為非非威儀非沙門法非淨行非隨順行所不應為云何六羣比丘著白

卷六

十六

衣行尔時世尊以無數方便呵責六羣比丘已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘得新衣應三種壞色一一色中隨意壞若青若黑若木蘭若不壞色著餘新衣波逸提比丘義如上

新者若是新衣若初從人得者盡名新衣衣者有十種衣如上壞色者染作青黑木蘭也彼比丘得新衣不染作三種色青黑木蘭更著餘新衣者波逸提若有重衣不作淨而畜者突吉羅若輕衣不作淨者突吉羅若非衣鉢囊革屣囊針線囊禪帶罽帶褶襪攝熱巾裏革屣巾不作淨畜者突吉羅若以未染衣寄著白衣家突吉羅比丘尼波逸提式叉摩那沙弥沙弥尼突吉羅是謂為犯不犯者若得白色衣染作三色青黑木蘭若重衣作淨畜若輕衣亦作淨畜若非衣鉢囊乃至裏革屣巾皆作淨畜若染衣寄著白衣家若衣色

脫更染無犯無犯者最初未制戒癡狂心亂痛惱所纏六十

尔時佛在舍衛國祇樹給孤獨園尔時尊者迦留陀夷不喜見烏作竹弓射烏射之不止大殺衆烏僧伽藍中遂成大積時諸居士來入僧伽藍中禮拜見此大積死烏各共嫌之

陸六 自相謂言沙門釋子不知慙愧無有慈心殺衆生命外自稱言我修正法如今觀之有何正法射殺衆烏乃成大積時諸比丘聞其中有少欲知足行頭陀樂學戒知慙愧者嫌責迦留陀夷言云何汝射殺衆烏乃成大積耶時諸比丘往世尊所頭面禮足在一面坐以此因緣具白世尊世尊尔時以此因緣集比丘僧知而故問迦留陀夷汝實不喜見烏而以竹弓射殺衆烏而成大積不答曰實尔尔時世尊以無數方便呵責迦留陀夷汝所為非非威儀非沙門法非淨行非隨順行所不應為云何迦留陀夷射殺衆烏以成大積耶

呵責迦留陀夷已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘斷畜生命者波逸提如是世尊與比丘結戒時諸比丘坐起行來多殺細小虫中或有作波逸提懺或有畏慎者諸比丘往白佛

佛言不知不犯自今已去當如是說戒若比丘故殺畜生命者波逸提比丘義如上畜生者不能變化者斷其命若自斷若教人斷若遣使若往來使殺若重使殺若展轉遣使殺若自求使若教人求使若自求持刀人教人求持刀人若以身相若口語若身口若遣使教若遣書教若遣使書教若安坑陷殺若安刀著常所倚住處若毒藥若安殺具在前作如是方便若復有餘所欲殺畜生若殺者波逸提方便欲殺而不殺突吉羅比丘尼波逸提式叉摩那沙弥沙弥尼突吉羅是謂為犯不犯者不故殺或以瓦石刀杖擲餘處而誤

斷命若比丘經營作房舍手失瓦石而誤殺若土擊杖木若屋柱檣棟椽如是手捉不禁墮而殺者若扶病起而死或還卧而死若洗浴時死若服藥時死將入房時死出房時死或將日中坐時死或在陰處而死作如是眾事無有害心而死者無犯無犯者最初未制

陸六

十八

戒癡狂心亂痛惱所纏六十一竟

尔時世尊在舍衛國祇樹給孤獨園時六羣比丘取雜虫水而飲用諸居士見已皆譏嫌言此沙門釋子無有慈心殺害虫命外自稱言我修正法如今觀之何有正法乃取雜虫水用時諸比丘聞其中有少欲知足行頭陀樂學戒知慙愧者嫌責六羣比丘言云何汝等無有慈心乃飲虫水以害其命耶諸比丘往世尊所頭面禮足在一面坐以此因緣具白世尊世尊尔時以此因緣集比丘僧呵責六羣比丘言汝所為非非威儀非沙門法非淨行非隨順行所不應為云何汝等飲用雜

垂水以害其命耶尔時世尊以無數方便呵責六羣比丘已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘飲用雜垂水者波逸提如是世尊與比丘結戒尔時諸比丘不知有垂無垂後乃知或作波逸提懺或有畏慎者白佛佛言不知者無犯自今已去當如是說戒若比丘知水有垂飲用波逸提比丘義如上彼比丘知是雜垂水飲用者波逸提除水已若雜垂漿苦酒清酪漿清麥汁飲用波逸提有垂水有垂想波逸提有垂水疑突吉羅無垂水有垂水想突吉羅無垂水疑突吉羅比丘尼波逸提式又摩那沙弥沙弥尼突吉羅是謂為犯不犯者先不知有垂無垂想若有鹿垂觸水使去若澆水飲者無犯無犯者最初未制戒癡在心亂痛惱所纏六十一

十九末

四分律藏卷第十六

睦六

擊擣摩下音 膠交音 膚夫音 澀字音 鹹鹹音 鹹鹹音 馨馨音 歎歎音 苦苦音 頂頂音 反反音 下下音 炮炮音 痹痹音 上上音 蒲蒲音 孝孝音 反反音 蛇蛇音 虵虵音 同同音 逼逼音 彼彼音 力力音 迸迸音 必必音 苦苦音 愛愛音 反反音 下下音 越越音 糜糜音 粥粥音 上上音 密密音 妨妨音 佯佯音 下下音 步步音 羊羊音 反反音 飄飄音 漬漬音 上上音 疋疋音 下下音 在在音 長長音 衣衣音 上上音 音音音 革革音 屣屣音 下下音 所所音 禪禪音 帶帶音 上上音 音音音 帽帽音 同同音 反反音 報報音 積積音 反反音 子子音 智智音 坑坑音 陷陷音 去去音 聲聲音 神神音 祀祀音 似似音 下下音 音音音 檀檀音 盧盧音 棟棟音 椽椽音 上上音 凍凍音 下下音 緣緣音 反反音

四分律藏卷第十七

睦七

姚秦三藏佛陀耶舍共竺佛念譯

四分律藏初分

尔時佛在舍衛國祇樹給孤獨園尔時十七群比丘往語六群比丘長老云何入初禪第二第三第四禪云何入空無相無願云何得

乙